



Մ Ա Յ Ր Ա Թ Ո Ռ Ո Ւ Մ

Ապրիլի 2-ին, շաբաթ, երեկոյան ժամը 7-ին, Հոգեւոր Ճեմարանի հանդիսասրահում, տեղի ունեցավ արտասանական մրցման երեկո, որին մասնակցում էին 11 ուսանողներ: Պարտադիր կարգով բոլորին հանձնարարվել էր Հովհաննես Թումանյանի «Հին օրհնություն»-ը, իսկ մի այլ արտասանություն՝ ըստ ցանկության:

Ներկա էր Վեհափառ Հայրապետը, շրջապատված Գերագույն Հոգեւոր Խորհրդի անդամներով, Մայր Աթոռի միաբանությամբ և զասախոսական կազմով:

Երեկոն անցավ ջերմ և ուսանելի մթնոլորտում:

Վերջում արտասանական մրցման մեջ առաջին, երկրորդ և երրորդ հանդիսացողները ստացան մրցանակներ:



Ապրիլի 3-ին, կիրակի, «Մաղկագարդ»: Մայր Տաճարում սուրբ պատարագ մատուցեց հոգեշնորհ Տ. Ներսես ծայրագույն վարդապետ Պողոսյանը և քարոզեց Ռվանանա, օրհնելով եկեղեցու անուամբ Տեառն՝ բնաբանով:

Սուրբ պատարագին ներկա էր Վեհափառ Հայրապետը:

Երեկոյան ժամը 4-ին, ավանդական սովորությամբ, Մայր Տաճարում կատարվեց «Դռնբացէք»-ի արարողությունը, Վեհափառ Հայրապետի հանդիսագրությամբ:



Ապրիլի 5-ին և 6-ին, երեքշաբթի և չորեքշաբթի, զատկական տոներին մասնակցելու համար, հոգեշնորհ Տ. Գևորգ վարդապետ Սերայդարյանը մեկնեց Բաքու, բարեջնորհ Հովհաննես սարկավագ Հակոբյանը՝ Արմավիր, իսկ ուրարակիր Հովսեփ Հակոբյանը՝ Թրիխսի: Նրանք ապրիլի 12-ին վերադարձան Մայր Աթոռ:



Ապրիլի 7-ին, Ավագ հինգշաբթի, «Յիշատակ ընթերցեց Տեառն մեռյ Յիսուսի Քրիստոսի և Աւետումն Ս. Աստուածածնի»:

Մայր Տաճարում պատարագեց հոգեշնորհ Տ. Արսեն վարդապետ Բերբերյանը:

Հետմիջօրեի ժամը 4-ին, հանդիսավորապես տեղի ունեցավ «Ուտնալուս»-յի արարողությունը, Վեհափառ Հայրապետի հանդիսագրությամբ:

Երեկոյան ժամը 7.30-ին սկսվեց Քրիստոսի շարչարանաց հիշատակը խորհրդանշող արարողությունը, որին ներկա էր Վեհափառ Հայրապետը: Քարոզեց Տ. Ներսես ծայրագույն վարդապետ Պողոսյանը՝ «Իշխանք հալածեցին զիս ի նանիր» բնաբանով:



Ապրիլի 8-ին, Ավագ ուրբաթ, «Յիշատակ շարչարանաց և խաչելութեան Տեառն մեռյ Յիսուսի Քրիստոսի»:

Առավոյան ժամը 9-ին Մայր Տաճարում կատարվեց խաչելության կարգը:

Երեկոյան ժամը 4.30-ին մեծ թափուրով կատարվեց թաղման կարգը: Հանդիսադիրն էր Վեհափառ Հայրապետը: Քրիստոսի խորհրդանշական դագաղը երեք անգամ պատեցվեց Մայր Տաճարի շուրջը:



Ապրիլի 8-ին, Ավագ ուրբաթ, երեկոյան ժամը 6-ին, Մայր Աթոռ ժամանեց գերաշնորհ Տ. Տիրան արքեպիսկոպոս Ներսոյանը Ամերիկայի Միացյալ Նահանգներից: Հանուն Վեհափառ Հայրապետի, սրբազան հյուրին գիմավորեցին հոգեշնորհ Տ. Ներսես ծայրագույն վարդապետ Պողոսյանը և զիվանապետ պր. Հայկ Առաքելյանը:

Մայր Տաճարում իր ազոթքն ու ուխտը կատարելուց հետո, գերաշնորհ Տ. Տիրան արքեպիսկոպոս ընդունվեց Վեհափառ Հայրապետից:



ԱՍՏՎԱԾԱՄԱՅԻ

(Նկարիչ՝ Հրանտ Ավագյան)

Ապրիլի 9-ին, Ավագ շաբաթ, «Ճրագալոյց Ս. Զատիկ»։ Երեկոյան, Մայր Տաճարում, պատարագեց լուսարարայեւո գերաշնորհ Տ. Հուսիկ եպիսկոպոս Սանթուրիանի ներկա էր Վեհափառ Հայրապետը։ Հավարտ սուրբ պատարագի, Մայր Աթոռի միաբանութիւնը և Հոգեւոր Ճեմարանի ուսանողութիւնը Վեհափառ Հայրապետին թափորով ուղեկցեց Վեհարան։



Ապրիլի 11-ին, Ավագ երկուշաբթի, «Յիշատակ մեռելոց»։ Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը։ Հավարտ սուրբ պատարագի, կատարվեց հոգեհանգստյան արարողություն։



Ապրիլի 11-ին, Ավագ երկուշաբթի, Հոգեւոր Ճեմարանի ուսանողութիւնը տրվեց մեկ ջարթով զատկական արձակուրդ։



Ապրիլի 15-ին, ուրբաթ, հոգեշնորհ Տ. Նաբեկ վարդապետ Շաբարյանը մեկնեց Բաքու և տեղի հայոց եկեղեցում, ապրիլի 17-ին, կիրակի, պատարագեց և քարոզեց «Մարգարէ գերագոյն և մեծն ի ծնունդս կանանց» բնաբանով։ Հայր սուրբը ապրիլի 19-ին վերադարձավ Մայր Աթոռ։



Ապրիլի 17-ին, կիրակի, «Լուկնազատիկ»։ Մայր Տաճարում պատարագեց և քարոզեց հոգեշնորհ Տ. Արսեն վարդապետ Բերբերյանը՝ «Ջիւղեցիին պատերազմունք, դադարեցիին յարձակմունք թշնամեաց, անկեցի սէր և արդարութիւն ի յերկրի» բնաբանով։



Ապրիլի 18-ին, երկուշաբթի, զատկական արձակուրդներից հետո, վերսկսվեցին Հոգեւոր Ճեմարանի դասընթացները։



Ապրիլի 19-ին, երեքշաբթի, երեկոյան ժամը 6-ին, Վեհարանում, Վեհափառ Հայրապետի նախագահությամբ, գումարվեց Գերագոյն Հոգեւոր հորհրդի նիստը, որին որպէս հյուր ներկա էր նաև գերաշնորհ Տ. Տիրան արքեպիսկոպոս Ներսոյանը։

Ապրիլի 23-ին, շաբաթ, երեկոյան ժամը 7-ին, Հոգեւոր Ճեմարանի հանգիստահում, տեղի ունեցավ հերթական գրական-գեղարվեստական երեկո։ Ճեմարանի երգչախումբը հաջողությամբ կատարեց «Որք վարդաբեցին» շարականը, Կոմիտաս վարդապետի «Թագվոր րարով», «Հարսի երգը», «Առնևմ երթամ» և Մակար Եկմալյանի «Ո՛վ Հայոց աշխարհ» խմբերգերը։ Բարեշնորհ Եղիշե սարկավագ Բաղրամյանը արտասանեց մի հատված Կոստան Զարյանի «Տասրագործի հարսը» գրքից, իսկ Գ. զասարանի ուսանող Արարատ Գալստյանը դաշնամուրի վրա նվագեց Վեբերի «Ռոնդո»-ն։

Օրվա գլխավոր բանախոսն էր ուխտավորարար Մայր Աթոռում գտնվող գերաշնորհ Տ. Տիրան արքեպիսկոպոս Ներսոյանը, որին վերատեսուչ հոգեշնորհ Տ. Ներսես ծայրագոյն վարդապետ Պողոսյանը ներկայացրեց ջերմ և հարգալից խոսքերով։ Գերաշնորհ Տ. Տիրան արքեպիսկոպոսը ներկայացրեց Հյուսիսային Ամերիկայի հայ գաղութի եկեղեցական-մշակութային կյանքը, շատ հետաքրքրական և խանգավառ ավյալներով։

Բանախոսության վերջում Վեհափառ Հայրապետն իր գոհունակությունը հայտնեց գերաշնորհ Տ. Տիրան արքեպիսկոպոսին հետաքրքրական և շահեկան դասախոսության համար։ Հանգիստությունը վերջացավ Վեհափառ Հայրապետի «Պահպանիչ»-ով։



Ապրիլի 24-ին, Աշխարհամաստուն (Կանաչ կիրակի)։ Մայր Տաճարում սուրբ պատարագ մատուցեց և քարոզեց հոգեշնորհ Տ. Ներսիս ծայրագոյն վարդապետ Պողոսյանը՝ «Արիւն մարտիրոսաց սերմն եկեղեցոյս բնարանով։ Քարոզիչ հայր սուրբը իր ղեղեցիկ քարոզի մեջ ոգեկոչեց հիշատակը ապրիլյան եղեռնի մեր ըյուրավոր նահատակներին։

Հավարտ սուրբ պատարագի, Վեհափառ Հայրապետի հանդիսագրությամբ, Մայր Տաճարում կատարվեց հոգեհանգիստ ապրիլյան եղեռնի մեր անմոռանալի նահատակների խնկելի հիշատակին։ Այնուհետև նորին Ս. Օծութիւնը եկեղեցական թափորով առաջնորդվեց նահատակաց հուշարձանի մոտ, որսեղ տեղի ունեցավ հոգեհանգստյան հատուկ արարողություն, հոծ բաղմնության ներկայությամբ։

